

四庫全書

史部

欽定四庫全書

史部

山西通志卷一百七十三

詳校官給事中臣王鍾健

檢討臣德生覆勘

總校官進士臣朱鈐

校對官庶吉士臣吳裕德

謄錄監生臣孟照

欽定四庫全書

山西通志卷一百七十二

陵墓一

三晉爲古帝都后王陵寢具在憑吊千載使過者慕
而生敬焉至若名賢碩德一抔旅寓亦繫人流連禁
牛羊之踐巖樵採之罰瞻彼邱壟其人如見志陵墓
太原府

陽曲縣

漢軹侯薄昭墓相傳在縣北三十五里北山頭

唐鄆國公殷開山墓在縣西山上名嶠唐將圖形凌烟

閣謚節貞

舊志載
孟縣

五代太師周德威墓在縣西北十里

白子西墓在縣西北五十里亭子山名翔縣人嘗讀

書山中沒葬此

高望墓在縣北

宋鄭王潘美墓相傳在縣東北七十里潘園村

舊志載
孟縣

元魏國公馮純墓在縣北

明晉憲王莊王靖王懷王墓胥在縣北三十里劉庄

惠王墓在縣北十五里光社村

寧河懿簡王墓在縣西四十里寧文村

廣昌悼平王墓在縣北十二里尹家溝

方山莊憲王臨泉莊簡王墓胥在縣東南十里狄村

靈丘簡靜王墓在縣北二十五里谷旦村

寧河康僖王安憲王溫簡王榮莊王恭懿王定惠王

河東昭靖王義寧榮康王新化恭裕王墓胥在縣北
二十里新店

河東悼懷王墓在縣南二十里馬庄

襄陰安惠王墓在縣東南二十里

新化安溪懷僖王墓在縣北澗村

靖安康僖王墓在縣北十里白楊樹村

靖安恭懿王墓在縣東北十里

旌德懷安王墓在縣東二十里閘馬村

榮澤安懿王墓在縣北二十里南窰村

晉恭王妃享堂在縣東北角二里許

長春公主墓在縣西北屯村南王村相傳塋永樂長
春公主并駙馬都尉 按成祖七公主永安永平安
成咸寧常寧清河正定無長春公主惟咸寧適西寧
侯宋瑛戰沒陽和而明制公主駙馬胥陪陵其塋陽
曲傳疑可也

傅國公墓相傳在縣西王村北舊志清源縣有苗裔

按明潁國公傅友德子忠女爲晉世子濟熹妃弘治中晉王又爲友德五世孫瑛求襲封則傅氏墓當有之而亦未能定其爲潁國公也

尚書周莊懿瑄墓在縣西大學士劉翊誌銘

禮部尚書周文端經墓在縣西裴村大學士楊廷和誌銘

都御史陳璘墓在縣東南二十里馬庄兵部尚書韓邦奇誌銘

都御史陳璧墓在縣東南二十里東岡

侍郎張頤墓在縣東陳家峪勅塋

御史張文明墓在縣東一里舊雨壇後勅褒忠諫贈

太常卿

侍郎侯綸墓在縣東南郝庄子汝諒都御史同域侍

郎程文德誌

府尹萬自約墓在縣北十五里光社村

布政王道行墓在縣東十里松庄

御史薄彥徽墓在縣北北山頭

國朝通政叅議裴希度墓在城北南窰村

太原縣

周唐叔虞墓相傳在縣西南一十五里嶺上俗稱晉王

墓又曰晉王嶺舊經云其子晉侯燮墓亦附焉

翼城縣有

虞叔墓

北齊彭城太妃墓在縣北十五里石堂頭爾朱榮之女

神武帝妃有誌石

司空左深墓在縣北三十里井谷村高歡別將立功
東魏舊志有碑名深字洪貴南陽人雍州刺史封武
陽侯贈司空謚武烈碑今亡

丞相斛律金墓在縣西南十五里光之父封咸陽王
唐閔將軍墓在縣西南十里

柱國呂斌墓在縣西南十里索村

尉遲敬善墓在晉王嶺南鄂國公尉遲敬德從弟

後唐廢帝母宣憲皇后魏氏陵在縣境清泰初追尊爲

皇太后議建陵寢而太原石敬瑭拒命乃於河南府
東建立寢宮

李存進墓在縣東北三十里鄭村

李存孝墓在縣西七里峪口

太師符存審墓在縣西南

晉駙馬史匡翰墓在縣東北三十里皇陵村陶穀撰碑
北漢劉氏墓在縣西南三十里天龍谷中墓額云大漢
英武園陵弘治間爲寺僧所毀石香亭尚存

周淑妃舊墓在縣近郊周太祖事漢高祖於太原天福中繼室楊氏卒遂塋太原之近郊廣順元年追冊淑妃太祖塋嵩陵世宗詔營陵側爲虛墓以俟顯德元年攻太原閉壁被圍乃遷妃而塋之

宋呂氏先墓在縣東北二十五里吳村呂公弼之高祖也公弼帥太原時有奠謁詩在崇福寺今廢按呂公弼平章軍國重事夷簡子平章軍國重事公著兄邢昂墓在縣西南十里晉祠奉聖院南原上昂高蹈

不仕張景儉表其墓寇準文彥博陳堯佐范仲淹皆
贈詩刻於石

明晉恭王墓在縣東北三十五里許東陽駝山之陽
按陽曲志王墓在東南二十里亦稱駝山蓋二縣界
也考通志府志胥屬太原縣宜專志太原爲是

工部尚書王永壽墓在縣西十里風谷山店頭勅造
御史王鑑墓在索村南古晉祠廟左

吏部尚書王瓊墓在縣西北七里蒙山之麓勅造禮

部尚書霍韜撰神道碑

榆次縣

周智伯墓相傳在縣東南三十里智伯死鑿臺下趙襄子取其頭爲飲器國人刻木頭以墓今名其地爲神頭村

白起墓相傳在縣西南四十里南庄

並見曲沃鄉寧縣

白仲

封太原相傳已久存以傳疑

後趙冉閔墓相傳在縣東南二十里張胡村閔爲慕容

雋所殺謚武悼大王

元魏左僕射郭祚墓在縣東八里源渦村

杜何拔墓在縣東南鹿蹄山永熙二年除龍驤將軍
中散大夫平鄉子武定四年卒大統年塋皆魏年號
縣志爲梁誤

北齊白顯墓在縣東北二十五里要店村起之裔以子
建貴贈開府儀同三司墓前有石羊二碑刻磨滅
安德郡王韓軌墓在縣東北四十里韓村寨

可朱渾元墓在縣東八里源渦村封扶風王假黃鉞
贈太宰錄尚書配享廟庭

祁丞相墓在縣東南三十里西祁村有碑字殘缺

唐單雄信墓相傳在縣東八里源渦村

郝忠墓在縣東南十里西塢村西南一里許有碑刻
今磨滅

太保李良臣墓在縣北十里趙村西李宗閔撰神道
碑曰貞元十一年八月塋於太原府城東南孝敬原

子光進令狐楚撰碑光顏李程撰碑亦胥曰塋於太原縣東孝敬原縣志五墓並列今止存其二良臣阿跌氏世爲河曲部長貞觀中內屬襲雞田刺史賜姓李

蘭交古墓在縣西一里許半山間穿石爲壙壁有字剝落不可識內紀咸亨四年歲次癸酉

張行墓在縣古城北十里金州司馬

五代趙玘璠墓在縣南五里郭村周樞密使贈太師

元杜懷玉墓在縣北中社村西南半里許

胡巨源墓在縣東南三十里庄子村

康庸墓在縣北龍白村

孟祥墓在縣福堂村南一里許

明晉端王簡王敬王墓胥在縣北三十里駝山

侍郎寇天敘墓在縣西北一里勅塋太常卿呂柟誌

祭酒閻樸墓在縣西北一里許古城之陽傅希摯誌

贈光祿少卿御史周鈇墓在縣南褚鈇誌銘

尚書褚鈇墓在縣西南十五里修文村

國朝布政使桑芸墓

太谷縣

周龐涓墓相傳在縣東南七十里馬陵關半山中

榆社亦有

龐涓墓

吳塚在縣西北一十五里郭村南五七塚相聯無文

可考相傳爲吳塚

楊長墓在縣東二十里杏林村北

元魏冠軍將軍趙黎奴墓在縣東十里石象村

北齊常侍翟嵩墓在縣南七里咸陽村時稱翟夫子

唐孝子劉明達墓在縣北水秀里東七里

冀天寵墓在縣東三十里白念都西北

房玄齡墓相傳在縣西南十八里白城村南

金富察阿魯岱墓在縣東南二十里惠安村金吾上將

軍有墓記

元伴讀郝宗顏墓在縣東北二十五里大白村善書大

字文廟匾額多出其手

常飛虎墓在縣東南二十里八卦村傳名大將軍墓
塚無存剝落碑尚在

明副使陳壁墓在城南禮部尚書劉龍誌銘

祁縣

周大夫祁奚墓在縣南七里榮仁村北碑剝落 按太

平寰宇記奚墓在聞喜東二十二里

祁午墓在奚墓右並見聞喜縣

漢隱士周黨墓在小韓村東南

護羗校尉溫序墓在縣西北修善村建武中死節光武賜塋洛陽其子夢序言久客思故鄉乃遷塋於此司徒王允墓在縣西北修善村

梁大司馬王僧辨墓在縣東南大桑村北

北齊晉昌王唐邕墓在大韓村

應州刺史唐義墓在小韓村 按唐邕子君明隋開

皇初終應州刺史當即其人

太常卿唐鑑墓在小韓村唐邕墓西南

韓彥祖墓在白圭鎮西南

唐范鑾冑墓在縣西六里白圭村沙城南

黎國公溫大雅墓在縣東北五里會善村東

清河郡公溫大有墓在縣東北

處士段大隱墓在東六支村段干木之裔

元尚書程日新墓在縣東北十里高村

明知縣郭秩墓在縣東三里三及村南

大理寺少卿古鏞墓在縣東北一里

御史楊璉墓在縣南六里下申村西南

知府龐瑄墓在縣東三十里南梁村

副使閻睿墓在縣東北二里會善村南

知縣閻繩芳墓在睿墓右

工部郎中李燾墓在縣東三里會善村南

布政戴光啓墓在縣東南四十里王斜川南

知州李自問墓在縣南二十五里南建安村西

舉人馬雲駒墓在縣東北三十里魯村南

徐溝縣

唐李淳風墓舊在縣北同戈驛明嘉靖年間平地塌出
小碑有改塋白圭南之句遂移塋於白圭南墓今存
按李淳風其先太原人後徙岐則徐溝容或有墓
焉

元編修趙麟墓在縣南清德村

明少卿杜馴墓在縣西北王荅村

給事中常泰墓在縣東門外

國朝刑部郎中閻毓偉墓在縣東北

清源縣

魏蠻王墓在縣南十七里後魏正平元年蠻王安來朝
死葬於此因名曰青堆村

明府尹王福墓在縣平泉大學士商輅撰誌銘

御史羅賢墓在縣西南一里

叅政王宗賢墓在縣西南一里

交城縣

周王交墓在縣西南汾水上金大定中東岸崩得古墓
有鼎十餘鐘磬各數十鼎有蓋者幾三尺其中寶物
猶存鐘磬小者僅五寸大者至三尺凡十有二今器
不存而墓址尚有微跡考一統志府志通志僉曰三
交墓則上遺周字下易王字矣不知何所據今姑存
疑

狐突墓在縣西北馬鞍山宋宣和五年封利應侯子

毛偃胥耐墓三墓今存鄉人建廟以祀之

唐監軍張承業墓在縣西南十五里洪相村 按胡致
堂曰承業居唐官終其身義也縣志稱後唐宜從通
志府志去後字

五代晉高祖陵相傳在縣西北六十里近爲河水所沒
節度安允信墓在張監軍墓西

元樞密婁秀墓在縣東北二里

冀國公郝天挺墓在縣北二里

覃元帥墓在縣西北二里一名資榮一名資用

弘農郡公覃澄墓在前元帥墓側

宣慰謝君寶墓在縣狐神廟右有碑碣

將軍謝仲溫墓在宣慰墓下

大夫謝沒歡墓在宣慰墓下

元帥解義墓在縣西北五十里社村虎昂山上有碑

記

叅議中書省事張德輝墓在縣西二里瓦窰河東

明知州解一經墓在縣東北一里

方伯胡體乾墓在縣西南龍王廟右

侍御常茂墓在縣東二里許陽渠村

給諫韓祐墓在縣西南十里定安村

給諫解一貫墓在縣北三里坡底村

知府李景墓在縣北里許

侍御李天賦墓在縣北里許

國朝侍御李之奇墓在縣西瓦窰村

給諫武攀龍墓在縣北卦山之麓王維珍誌銘

同知常大忠墓在縣西北八里安定都桃塔巖

文水縣

隋孝子韓子誕墓在縣南十九里

唐荊州都督武士護墓名攀龍臺勅李嶠撰記

宋邢鑑墓在縣西百步許有碑

郎中牛拱辰墓在縣西北八里有碑字多剝落

元李進士墓曰秀曰遜曰信曰讓曰徵曰光祖一門六

進士俱邑人在縣東北五里昇泉都

丞相梁錦陽墓揭傒斯撰碑長子僉事簡次子尚書
蘭三子布政璣四子知縣璇孫御史政遠墓胥在李
端鎮東

尚書王雲墓在雲周村歐陽鉉撰碑

明知縣馮憲墓在縣西龍王山麓

副使郭廷冕墓在縣西北五里峰子峒

府尹田疇墓在縣北八里西山麓

知州嚴三省墓在縣西一里許

主事鄭之僑墓在縣西北二十五里文谷口南浦山
叅戎郭畹墓在縣西北五里西山麓

知縣李喬墓在縣北三里

大叅王在臺墓在縣北十里西山麓

國朝湖廣總督胡勤毅全才墓在縣北七里西山麓
湖廣提督學政鄭崑璧墓在縣西北五里西山麓
給事中鄭崑璽墓在縣北二十里文峪口

岢嵐州

宋武安軍節度使折克行墓在州西北三里折家祠

元都元帥郭周墓在州東四十里黃道川

明御史牛宣墓在州北鳳凰山下兵子坡

知縣贈光祿寺丞王鼎墓在州東二里翰林孫紹祖
撰碑

按察使武清墓在州北漫天嶺

贈左都督叅將丘陞墓在州北四十里三井村

嵐縣

元魏皇姑墓在縣東南風后山爾朱氏女也

興縣

元興州判官馬英墓在縣北

國朝提督贈少保張旺墓在康寧庄常升原錢以壇誌

銘

平陽府

臨汾縣

古陶唐氏陵相傳在城東七十里郭行里土人謂之神
林又謂之神臨陵高一百五十尺廣二百餘步旁皆
山石惟此地爲平土深丈餘有金泰和二年碑記
明初訪歷代帝王陵墓山東東平州以堯陵聞載之
祀典

丹朱墓相傳在城北二十里王曲村有前後二塚上

有舊祠明洪武二年重建

舊志並見翼城縣名金井
又見長子縣南二十五里

晉懷帝愍帝二陵胥在晉州平陽縣宋乾德四年禁樵

採

太宰賈充墓在城東南二十里朱賈里

漢劉聰墓相傳在城西北十里前有碑碑額云漢故持

節侍中太宰司徒公右部魏成獻王之碑記恐非

按漢有太宰上洛王劉景又劉宣爲右部都尉仕至

丞相太尉當繇此考之恐非僞宣光陵也

魏朱楷墓在城東二十里朱村

孝女女勝墓在城東大道北北魏正光中年十五母

卒不勝哀而殞太守崔游申請爲營墓立碑自爲製文比之曹娥

唐無佞侯墓在城東二十里

元平章王泰亨墓在城南五里

許謙墓在城東十里九州堡地四畝餘不徵糧

明晉王濟熺墓在城西北三十里

晉定王墓在城西北三十里

交城榮順王墓在城東二十五里

西河靖恭王墓在城東二十五里

助教張昌墓在城東南十里

尚書張潤墓在城西十五里聶豹誌銘

國朝行人王永命墓在賈材村

大理卿孟世泰墓

大理少卿劉若鼎墓

襄陵縣

周晉襄公墓在縣南一十五里東柴村南原上縣以此

名

漢張良墓相傳在縣東四十里龜山之麓先掘地得石

誌云漢留侯張良墓

按廣輿記載侯墓在襄陵

並見

吉州

三國武衛將軍萬歲亭侯許褚墓在縣西南十八里許

留村

大將軍高安鄉侯夏侯惇墓在縣東南三十里下梁

村

晉僕射鄧攸墓在縣北

縣志在東南二十五里鄧村

北齊斛律光祖塋在縣東二十里斛塚村大塚數座相

傳北齊斛律氏塋

宋尚書右丞許翰墓在縣許留村

金完顏氏先塋王忱撰墓碑

元提舉張著墓在縣東四十里張相村學士王惲撰碑

潞公張翥祖墓在縣西南二十五里故關鎮古栢四

十餘株

平章牛光祖墓在縣南十二里東柴村南原上趙子昂書碑

梁元帥墓在縣東十二里進士張思溫撰碑

助教盧希古墓在縣南三十里義村趙子昂書碑

轉運吳著墓在縣西八里齊村

明高平懷閔王墓在縣東三十里扈村

翰林崔矩墓在縣西十里四佳村

知州柴良墓在縣西柴村

侍郎邢讓墓在縣南三十五里大學士岳正撰碑

忠節高邦佐墓在東柴村大學士何宗彥撰碑

御史王應吉墓在柳溝坡上

尚書李瑾墓在縣南司馬村

布政翟師雍墓在趙曲鎮東

國朝兵備王維屏墓在縣南四十里西王村

洪洞縣

唐虞士臯陶墓在縣南十三里臯陶村墓前有祠

周師曠墓在縣南二十里近有祠

漢劉淵墓在縣東南八里秦壁村

偽號永光陵

唐孫思邈墓在縣南二十里保長村

縣志作孫張村

鄭專知墓在縣甘泉鄉梗壁村墳碑尚存土人稱爲

官墳又謂鄭大戶

宋大元帥南裕墓在縣南二里有碑記

金侍郎楊政墓在縣東二里

元李留守墓在縣東一里

千戶楊德明墓在縣南三十里高村編修許儼撰碑記

太原郡侯郭公墓在縣東三里碑記尚存

洪洞子石元亨墓在縣東二里學士揭傒斯撰碑記
隱士雲谷張守大墓在縣東二里有碑記

隱士林巖張容墓在縣東二里

明寺丞宋載墓在縣南高原三里

提學宋拯墓在縣南三里

尚書謚忠定韓文墓在縣東十里勅修大學士費宏
誌銘

知府衛英墓在縣東十五里韓邦靖撰碑記

都御史劉廷臣墓在縣東八里

太僕卿韓廷偉墓在縣北五里

叅政劉守仁墓在縣東北四十里

知縣王家棟墓在縣東北

知府晉承眷墓在縣東二里

知府鄭傑墓在縣東五里

叅議許翔鳳墓在縣東十里

御史南全墓在縣東二里

副使李復初墓在縣東五里

叅議王三接墓在縣東五里

叅政劉應時墓在縣東三里

御史邢實墓在縣東北三里

御史董光裕墓在縣東北五里

御史柳春墓在縣東北五里

國朝

勅建通政使劉令譽墓在縣東九里辛堡村

工部尚書楊義墓

勅建通政使晉淑軾墓在縣東北五里永寧村

浮山縣

古堯陵相傳在縣西北三十五里楊村陵前有碑記臨

汾春秋二祭今並錄

漢博陸侯霍光墓在縣北十五里平寧村有祠在府西門外天寶間建 按長安志以光陪塋咸陽武帝茂陵則此或光祖墓今姑存之其並見解州者不載

五代晉魏國公桑維翰墓在縣東北六十里

宋禮部尚書邢昺墓在縣東三里昺嘗撰禮選二十卷以進無副本真宗許繕錄賜之未畢而昺卒亟詔寫

二本一本賜其家一本俾置冢中

一云在任邱縣黃壘村

明布政陳孜墓在縣北十五里

趙城縣

上古媧皇陵在縣東八里有二塚各高二丈周四十八丈松栢鬱茂宋乾德四年詔給守陵五戶長吏春秋奉祀開寶六年右補闕裴麗澤撰廟碑銘曰平陽故都得女媧之原廟遂命中使載事有司揆功選異材召大匠以堅易脆去故就新則媧皇陵之載趙城蓋已久矣明嘉靖元年三十五年胥遣官致祭祭文載邑志

周蘭相如祖塋相傳在許村里有石器碑記存

漢樊噲墓相傳在樊村里塚高一丈五尺周四十步有

碑記

紀信墓相傳在縣東南二十里有碑記

鄧惲墓在石門里有碑記

代州有墓墓
栢名鄧都栢

十六國夏王赫連勃勃墓相傳在東北四十里霍太山

地多奇卉

金田忠獻公忠良墓在縣東十五里有碑記

狀元王綱墓在縣北簡子廟前有石器碑記

元徐文靖公毅墓在縣石門里有石器許文正公衡撰
神道碑

明懷仁榮定王墓在縣東南五十里師屯村

國朝贈都司僉書晉大忠墓總督李之芳撰墓表

附

殷蜚廉墓皇甫謐云去城縣十五里有蜚廉塚水經註
曰飛廉善走惡來多力武王殺惡來飛廉先使北方

還無所報乃壇於霍太山而致命焉得石棺銘曰帝
命處父不與殷亂賜汝石棺以葬死遂以葬於霍太
山

太平縣

古軒轅陵在縣東三十里上魯村東汾河內有石棺以
鐵束之隱見不時世傳爲軒轅棺云

伯益墓在縣東四十里李社村

周趙宣子墓在縣南十里汾陽村

將軍李牧墓在縣西五里孝子村縣志即李榮廬墓處
按唐宰相世系表武安君李牧三子汨弘鮮汨
秦唐事廣武君左車父也不載李榮

漢絳侯周勃墓在縣東北七里郭店村

並見曲沃縣

南唐鄭王李繼思墓在縣東八里南李村明萬厯中塚
塋三畝三分侵者有禁

甯府君墓在縣北二十里名無考

金尚書李愈墓在縣西南七里

元府判張懷英墓在縣東北十里北李村

元帥毛貴墓在縣東二十里東張村

明御史馬鸞知府馬聰墓胥在縣南五里

同知李誠兵備李鉞墓胥在縣東南賈堡東一里

侍郎王體復墓在縣南五里勅建大學士方從哲誌

銘

叅政郭萬里墓在縣東上魯村北

少卿張天民墓在縣東十五里都御史程紹志銘

叅政張雲翼墓在縣東西張村左都御史曹于汴誌
銘

主事盧以岑墓在縣北三十里侯村北

副使張鯤化墓在縣西北中黃村北

知府王椿墓在縣南戎政侍郎趙京仕誌

員外郭衛宸墓在縣東北小張村北刑部尚書白孕
謙誌

國朝知府王琦墓在縣南二十五里龍香坡

知府王迎墓在縣南趙康鎮

列女衛好艾墓在南賈廂王村莊

列女王興娥墓在縣南北眾村

知縣李弘敏墓在縣東二十里南賈村東北

知縣王錫韓墓在縣西十里賈岡村東南

贈吏部郎中王履浩墓在縣北曹路村南大學士李

霽誌

岳陽縣

周卻缺墓在縣東七十里

晉大夫縣志作卻芮

上卿蘭相如墓在縣北八十里墓前有河因名蘭河

正義云在邯鄲縣西南六里

元宋國公墓在縣北二里

姓氏無考

曲沃縣

周齊姜墓在縣西北關外高二丈周三十六步按左

傳齊姜本非晉獻公妃他書或云獻公元妃驪姬使

申生祭於曲沃卽此

申生墓在縣西門內祠後晉惠公改葬共太子卽此

荀息墓在荀王村後裔至今存

並見鄉寧縣

里克墓在縣南五里南吉村

介休墓縣南三里河底村之推子

通志作介休

漢汾陽侯靳強墓在縣北方城里

唐許孝恭墓在縣西北二十里太子中書孟楷誌銘

益州大都督程馼金墓在縣西三十里程王村

宋史緒墓在縣東八里常安村學士王居正誌銘

甯智墓在縣東八里望絳村王巖叟誌銘

元大元帥靳和墓在縣東北曲村里

李謙亨墓在縣南二里字術魯翀撰碑銘

劉尚質墓在縣東張亭里

廉訪使靳用墓在北曲村

孝子靳曷墓在北曲村揭傒斯撰碑

明尚書謚莊簡李浩墓在南莊勅修大學士夏言表

尚書李尚思墓在縣東二里勅修山陰王濬初誌銘

叅政李日強墓在縣東五里

國朝

許永禧墓在張寨村西北仇之遠誌銘

勅建大學士衛文清周祚墓在縣西北五里李霽誌銘
兵部侍郎衛周孕墓在縣西北五里金之俊誌銘

都御史賈漢復墓在縣東北七里堰底村魏象樞誌銘
銘

兵備道仇昌祚墓在縣東北知縣潘錦誌銘

烈婦劉小件墓在楊柳村西知縣潘錦改葬此有碑
邑人王大作李琨等銘

中書舍人賈鳴璽墓在蘇村村東誌傳悉自著其父
教諭佩徵墓亦在焉范鄣鼎誌衛既齊表王弘撰碑
銘

翼城縣

周晉厲公墓在縣東南故城高一丈六尺周圍五十步
按左傳成公十七年晉厲公遊匠麗氏樂書中行

偃執公明年正月庚申二子使程滑弑公以車一乘
塋於翼東門之外卽此

小子侯墓在縣東浮圖村北塚高三丈周百步俗呼
小王墳

將軍閻沒墓在縣西北古署村北山上塚高三丈周
圍八十步

鄭太子墓在縣西雲唐村有盧照鄰碑記

一作楊炯撰碑

唐司空楊琮墓在縣東楊窰村北草嶺上其後世孫宋

元帥璘司空明金大將軍發縣尹時元元帥銓縣尹
宜皆附葬於此有石人馬並碑

元屈繼平墓在縣西古澗西博士侯均誌銘

吉侍郎墓在縣北史村失名

侍郎楊守則墓在縣北門外東嶽廟後

達魯噶齊托克托墓在縣西南常柵村北有石人馬

總管郝溫墓在縣西陵下村後

明郎中高翀墓在縣上高村內

孝子劉元真墓在縣西下平村西北岡上

通政王錫墓在縣東辛庄東坡上

布政使王泰墓在縣乍紋村北

叅議劉志墓在縣浮圖村西

郎中楊汝江墓在縣北神廟後

編修續旻墓在縣合雲村西北

副使燕好爵墓在縣南衛村北

知府錢士聰墓在縣西門外

知府史官墓在縣浮圖村北

副使劉應聘墓在縣史村北

御史史學遷墓在縣鳳架坡村

太僕卿呂維寧墓在縣吳柴村

副使丁流芳墓在縣澗下村

國朝懷遠將軍何斯盛墓在東河下戰場廟後

都察院左副都御史上官鉉墓

按察使王廷諫墓侍郎張士甄誌銘

侍御張鳳起墓徐旭齡誌銘

知府趙漢卿墓

汾西縣

元左丞知經筵事傅正獻公巖起墓在城西一里有碑
禮部尚書吉祥墓在城東一里趙子昂撰碑

龍岡真人墓在縣西一里

明按察使仇益墓在縣南四十里有碑

戶部員外范均墓在縣南五十里子翰林院庶吉士

范琮祔

叅政周鑑墓在縣西南十里有碑

僉事侯銘墓在城外一里許

知府王習墓在城東一里有碑

知州傅永康墓在城西有碑

贈太僕寺少卿閻生斗墓在城東一里欽賜地價銀

三百兩遣官祭塋有碑

知縣王永年墓在城東有碑

靈石縣

周介之推墓在縣東張嵩村神林

並見沁源縣

漢韓信墓相傳在縣南高壁鎮土人名韓信嶺墓前有祠多題咏

宋名臣師範墓在縣東尹方村

金尚書馬瓊墓在縣西文學里馬家庄

元元帥溫舜墓在縣西文學里溫家溝

進士喬世綱墓在縣東尹方村

明都御史吳珉墓在縣北索洲鎮

知州裴泰主事裴繼芳墓胥在縣南五里路東

兵備王之徵墓在縣蒜峪村

知縣房韞玉墓在縣索洲鎮

國朝副總兵韓進墓在縣東北焦俊原

霍州

周厲王陵相傳在州城內西南隅王出奔玁塹墓焉

隋宋老生墓在州北三里宋張商英弔以詩明知州鮑

克恭立祠

唐申公高士廉墓在州東二十里庫拔村開寶三年詔

守塚兩戶禁樵採

將軍燕巒墓在州南寺庄村有碑

宋節度使高繼嵩墓在州東二十五里高家庄

元忠義公邢飛翰墓在州西白龍村

隴西伯李榮祖墓在州東靳壁村

明安僖王墓在州東賈孟村

恭和王墓在州東河壁村

溫惠王墓在州東河壁村

潞安府

長治縣

漢鮑宣墓司隸校尉坐辱宰相徙上黨卒塋此明知縣
孫璽建祠侍郎阮勤記舊志並見長子縣東十三里
晉慕容永墓在西南營潞志拾遺慕容永志但記其走
死而不詳何地永當日實死於針漳村土人收塋且

廟祀之今郡城西南營卽古針漳村也

後魏都督陸旭墓在城西三里

太守馮勅墓上黨太守卒塋於此

北齊將軍馮標墓在城南十五里

唐都尉宋舉墓在城西南五里明嘉靖中宗室雲溪築
墅得墓志銘云舉爲唐初起義將功成辭賞晦跡棲
隱乃爲遷塋高原埋銘於下復勒銘記之

鄭惠王元懿太妃墓在城南十三里王爲潞州刺史

太妃就養卒塋此

程司直墓名芝在城西三十里居民因耕得志文辭
殊古

處士馮元墓在城西南司馬村亦以遺志識之

處士郝元津墓在城南七十里西火鎮有碑題曰大
唐處士郝公墓文胥四六歲久剝落

柱國郭盛墓在城南五十里

處士王盛墓在城南五里明天啓中濬隍於城東南

隅掘得石云開元二十七年葬

元韓公李唐墓在城東南八里平章孟之父翁仲猶存

孟後葬宛平縣

扶風伯馬繼翰墓在城東北五里繩武之父御史張

起岩撰碑

提舉王天祐墓在城南宋村太常卿李紹撰碑

知州王守中墓在城東北桃園里御史李忠記墓銘

尚書嘉彬元墓在城西八里

郎中曹堅元墓在五龍山子璣孫都御史鶴胥附有碑

尚書董誠墓在城南七十里東火村

尚書李惟馨墓在城南六十里蔭城鎮

節度李公弼墓在城東北十里壺神頭

明藩簡王墓在城南鳳凰山自康王以下墓胥隸長治境不詳載

稷山悼靖王墓在城南三十里鳳凰山

沁源恭定王墓在城西十里步馬村

黎城昭僖王墓在城北二十里

沁水悼懷王墓在城西南三十里至善都

平遙靖僖王墓在城東北十五里栢谷村

鎮國將軍朱鉉鉅墓在城西五里御史李新芳撰墓
表

鎮國將軍朱鉉鉅墓在城南五十里鎮國將軍勛澈

祔

輔國將軍朱勛渰墓在西北寨村

定陶王瑄禘墓在堠西庄闌變父子胥投井死土人哀而瘞之子效鋒祔

尚書暴昭墓在城西羊堡村

進士晉罡墓在城東長井村

郎中趙泰墓在城西北岡陵川王英表

布政李敏德墓在城東

知州栗銘墓在城西十五里

少卿王佐墓在城西五里

御史李新芳墓在城東南五里光祿任環表墓

知府李延馨墓在城東北白堠村

副使李如桂墓在城東北白堠村北

光祿卿任環墓在城東北白堠村大學士徐階誌銘

巡撫宋守約墓在城外五馬村

布政趙希夔墓在城西十里華家庄

布政鮑承蔭墓在城南馬頭坊

府尹朱卿墓在城西二里

知州李尚實墓在城南五里

尚書郅光先墓在城南大學士王家屏誌銘

郎中高環墓在師庄村

四貞墓在城東南八十里近西火鎮王川妻平氏焦
相妻程氏趙悶兒袁鴈菊

尚書程正己墓在城西堠北庄

儀賓仇時茂墓在陽堰呂柵誌銘

副使程宗伊墓在西火鎮

副使周一梧墓在城南五十里中村子知府再勲附
知州沈國華墓在城東石槽村

知府劉昭墓在城西南十里

西平知縣王汝弼墓尚書劉龍撰表

光祿寺丞李昱墓在城東南五里沒於土木之難尚
書劉龍表

御史宋賓墓在城西五里

知府趙偉墓在城西七里有古青陳清表

主事仇炅墓在南七十里火村

都運李紀墓在城東

郎中屈諫墓在城西五里

頭貞先生趙秉忠墓在城西三十里上韓村

同知鮑龍墓在城南馬頭村

知府王期古墓在城東門外

知州程應登墓在城西五里子通判尚勤附

少卿郭邦驥墓在城北五里

知州賈涇澍墓在城南李家庄

國朝知州李一爵墓在城東焦家庄

秘書院侍讀學士李中白墓在城東秋谷山

同知王業純墓在城西史家庄

長子縣

元平章宋子貞墓在縣東南十五里

明侍郎任毅墓在縣南十五里

侍郎鮑希顏墓在縣南三里

尚書栗恕墓在縣西

侍郎阮勤墓在縣西三里

司務裴守一墓在縣東南劉村

郎中楊世卿墓在縣西南三里北李村

博士賈以教墓在縣西南三里北李村

國朝趙烈女墓小字興梅許聘周氏子根幸未合壻而
根幸殤興梅欲往吊不得自縊死兩姓父母憐而合

墓之在縣色頭村康熙十一年知縣劉芳猷豎石表
曰烈女興梅之墓

屯留縣

周卞和墓相傳在縣西十五里辛村有古塚古碑字胥
剝落

元魏清河太守張昭墓在縣北三里

唐常府君墓在縣東北十里

元處士宋思約墓在縣東南五里藕澤村

明巡撫李尚智墓在縣東南蓮花岡

光祿寺卿路王道墓在縣東北河北村

叅政暴孟奇墓在縣東南東堰村

通判李司謙墓在縣正西蓮花岡

太常暴謙貞墓在縣西北五里河頭村

僉憲李之茂墓在縣南城外

知府霍應麟墓在縣西河北村七星岡

叅政陳簡墓在縣西郭村

僉憲馮斐墓在縣豐儀鎮

孫光耀墓在縣東河北村

襄垣縣

周叔向墓在褫亭驛北赤壁舖

韓宣子墓在縣東北一十五里

漢韓王陵在縣東北二十里

魏氏池長崔游墓在縣西十里晉武帝以故府僚屬拜
郎中不就漢劉淵以師徵御史大夫不受故書魏官

後趙右長史大執法張賓墓相傳在縣北水磴村十六國春秋賓卒贈散騎常侍右光祿大夫儀同三司謚曰景而縣志書賓沒於陣語近齊東

元魏慕容將軍墓在縣北二十里名赤土從元魏孝文經獅山天地昏暗赤土剖心祭天遂塋於此土人多祀焉

邢氏先塋在襄垣高平二縣界邢村邢文光祖尹至方卿累世胥塋此

唐昭澤王墓在城東南隅姓焦氏有異術人禱雨輒應
宋封昭澤王

萊國公杜如晦墓相傳在縣東北五十里城底村東
北

梁國公房玄齡墓相傳在縣北四十里豐曲村
後唐招討李嗣昭墓在縣東北四十里段堡村

金學士李安墓在合河村子元尚書隴西伯嗣訓附
元尚書李執中墓在縣十里西王村

左丞楊仁風墓在縣南郝家溝

明御史連楹墓在縣西三里東畛村楹殉靖難以衣冠
塋

都御史李濬墓在縣南十里西王橋村

副使劉潔墓在縣東北蕭家塚員外鳳儀尚書龍都
御史變祔

御史王基洪墓在縣西南五里小黃庄

叅政姚九功墓在縣北五里惱頭村

張節婦韓氏墓在城南王濬初誌銘

吏部王雲龍墓在縣西南三里秦家溝

潞城縣

殷箕子墓相傳在縣東十五里微子村北土人以村東
有三仁廟名其地爲比干嶺此曰箕子墓或亦附會
其說與

周潞子嬰兒墓在縣東北五十里續村

舊志並載黎城

荆軻墓相傳在縣西北二十五里

申屠仙墓在縣東一里

漢陽夏侯馮異墓相傳在縣東五十五里夏社村名大樹將軍墓

明清源簡定王墓在縣西南三十里陳村

黎城縣

周黎莊公夫人墓在縣東北二十八里古黎城東

漢左將軍馮奉世墓在縣北七里子宜鄉侯馮參墓在側

馮昭儀墓在奉世墓東二里

宋宇文光墓在縣北十五里友人吳陶誌銘

元編修權秉忠墓在縣西北二十里白官庄

孝子申克讓墓在縣東北二十里

明知府趙博墓在縣西北五里子隱士趙初祔

副使李世芳墓在縣西北二十里

叅政程達墓在縣南二十里路堡村

國朝李節婦王氏墓在縣東三十里僉憲呂和鍾撰墓

表

工部主事李甲黃墓在縣東四十五里祁陽刁包題
石

孝子韓雍墓在縣北二里

天台知縣李占黃墓在縣東北三十里有神道碑

壺關縣

周華陽君馮亭墓在壺關城西五里馮衍顯志賦瞰太
行之嵯峨兮觀壺口之崢嶸悼丘墓之蕪穢兮恨昭

穆之不榮章懷注太行山在上黨南壺口山在上黨
東衍之遠祖馮亭爲韓上黨守以上黨降趙趙封亭
三萬戶號華陽君死因塋上黨其墓在今潞州上黨
縣西衍在關中遙相望之卽序所謂通視千里覽見
舊都者也

漢三老令狐茂墓在縣東二十里崇賢村嘗上書明戾
太子寃卒塋於此明尚書劉龍撰墓碑

國朝順治十七年知縣朱輔修築墓道復春秋祭典康

熙二十年知縣章經重加修築

周亞夫墓在三老墓前

唐苗氏瑩左相苗晉卿自爲父撰碑文有鵲巢碑上賊
入上黨焚蕩略盡而苗氏松檟獨無傷

太師苗晉卿墓在龍溪山北

元廉訪馬繩武墓在縣北二里龍溪山下有翁仲碑文
秘書張時菴墓在縣南一里有碑記

王孝婦劉氏墓在縣白沙村王天祐妻

段志元墓在縣南二十里安縣村

明四輔杜敷墓在縣東南林青村

榜眼郭艸墓在縣南栢林村

縣志
狀元

翰林張鐸墓 知府楊能墓 叅政楊奇墓胥在縣

西栢林村

國朝御史楊四重墓 同知楊四易墓胥在縣西栢林

村

郭端孝墓在紫岩山下

平順縣

漢廣武君李左車墓相傳在東禪里東山下

隋竇建德墓相傳在豆谷村西山下

舊志並見廣靈平遙

金元帥劉寬墓在青羊里潞州節度知元帥府事

劉進士墓在侯壁里

失名嗣子劉居仁立碣

山西通志卷一百七十二

欽定四庫全書

山西通志卷一百七十三

陵墓二

汾州府

汾陽縣

晉西河王司馬斌墓在城西七里魏中郎晉初封陳王
又名陳王墓

趙離石侯石嵩墓在萬戶山之西趙封石嵩爲離石侯

卒塋此

宋狄武襄公青墓在城北十里郝洪里劉村翰林學士

王珪撰碑

樞密副使王嗣宗墓在城西南十里張家莊仕至太尉諡景莊

元呂簡肅沆墓在城南三里學士虞集撰碑

狀元張益墓在城西北三里仕至司業

明慶成恭僖王墓在城西二十里

溫穆王墓在孝臣里

端順王墓在孝臣里

恭裕王墓在孝臣里

安穆王墓在宋家里

悼懷王墓在孝臣里

永和王美塢墓在洪西里

順僖王墓在小相里

榮懷王墓在池定里

安簡王墓在太平里

莊定王墓在太平里

恭懿王墓在三泉里

靖惠王墓在羅城里

詹事辛彥博墓在城西南三里

知縣田籽墓在城南一里

知府嚴泰墓在城西南

孝子劉仲原墓在董師河南西嶽廟北

布政孔天孚墓在城北人美廂

侍郎王緝墓在城西十里

太僕張更化墓在城西十五里

少卿張第元墓在城西南四十里馬莊

禮部郎中靳光先墓在城南三十里

給事曹良直墓在城東北三十五里

國朝少師胡世安墓在城南二十里

兵部郎中鄭之璞墓在城西北原底

行人劉興漢墓在城東北文會里

平遙縣

周鄉士尹吉甫墓相傳在縣東門外北路

北齊王妃墓在縣西北二十里

唐吏部冢宰裴誨墓在金莊村

上柱國梁思墓在下西門外

趙氏三孝女墳在縣東七里梁村北相傳有趙姓者
止生三女及笄以親老胥不適人日夕孝養比親歿

三女躬築墳高三十尺周二畝有奇各樹栢一焉

宋裴尚書墓在下西門外

禮部侍郎裴定墓在下西門外

元評事杜遇墓在范洛村

評事梁秉鈞墓在梁官村

縣令梁瑜墓在梁官村

征行都元帥五路萬戶梁瑛墓在梁官村

縣令梁琮墓在梁官村

河東南北路鄂囉萬戶侯杜珏墓在范洛村

龍虎衛上將軍河東南北路兵馬大元帥杜豐墓在
范洛村

明威將軍吉州路達魯噶齊杜思明墓在范洛村杜
思敬撰碑曰在西汾里

中書叅知政事四川行省左丞諡文定公杜思敬墓
在范洛村

河東山西道宣慰使贈康靖公杜冑構墓在范洛村

大學士贈晉國公杜宣墓在范洛村左丞杜冑獲祔
四川道肅政廉訪使梁天翔墓在梁官村

工部侍郎梁日新墓在姚村州判梁舉祔

承事郎大名路清河縣尹梁時正 治中梁時中

校尉梁時仁墓胥在梁官村

明誠齋先生李震墓在梁趙村

知州任良才墓在北門外弟吏科給事中任良弼祔
延長知縣雷潔墓在南門外

同知李頤墓在梁趙村

舉人梁殿邦墓在梁官村

知州王尚龍墓在金莊村

知縣范道行墓在南門外

寧遠道劉三元墓在樂城

貢生劉士鰲墓在北門外

華陽縣丞梁棟隆墓在南門外

國朝割股孝子梁州尹墓在東郭村

割股孝子梁州儒墓在西郭村

知州梁禹甸墓在南門外

知府梁漢墓在南門外

介休縣

漢李陵墓相傳在縣東四十里陵卒塞外單于遣連陵屍於長安至介休東四十里下梁李侯村南馬不行遂葬焉宋天禧二年鄉民因墓建祠

郭有道墓謝景初魏文侯墓碑曰汾州圖牒東漢郭

林宗之墓在介休縣東二里蔡邕作林宗碑在墓之側予於州城東大中佛寺北廡得林宗碑備刻二辭其一蔡邕之文其一記林宗後裔繼悉不刻立碑之年再推本似隋唐間不知何時移置州城也予今訪求而林宗墓亡之矣

宋有道墓水經注介休城東有徵士郭林宗宋子浚二碑宋冲以有道司徒徵

西晉賈侯墓在縣南三里晉時死節塋此

元魏車騎大將軍穆祚墓在縣南七里許

宋子浚墓在縣南西靳村

唐劉武周墓相傳在縣東南隅

御史馬周墓在縣東四里官路北有碑記

楊復恭墓在抱腹山假子彥博收骸骨以葬

宋文潞公祖母墓在縣西一里許明趙睿築垣牆建享堂立表

元鈕宣慰墓在縣西北三里許其父文墓亦在焉

吏部員外梁欽構墓

孝義縣

周魏文侯墓宋謝景初撰碑曰考汾州圖牒曰魏文侯之墓在孝義縣西五里他日涉郡守園池見唐開元二十年孝義令楊仲昌所作魏文侯碑在焉其傍記墓在勝水之陽與其周環高大甚備至大中十年刺史崔駢自孝義移於此已而得魏文侯之藏於是使李令改石別刻楊氏之碑與其墓之所在周環高大

并崔駢所列者盡鑿而立之墓側

三子墓在縣西北土人傳爲卜子夏段干木田子方

墓

段卜二墓已載河津芮城
今因田墓不別見姑存之

漢郭巨墓在縣東北

唐武府君墓在縣南七里吳屯村

宋宣皇聖母陵在縣西南六十里今宣皇原王才里

按宋建隆元年八月丙午奉上玉冊謚祖曰簡恭皇

帝廟號翼祖祖妣劉氏曰簡穆皇后舊志書宣皇聖

母當係宣祖之母卽簡穆后也

劉宣王陵在縣西南六十里下馬寬村

叅知政事趙景肅公昌言墓在縣西五里趙家莊北
文氏先塋在縣南二十里董屯村文潞公曾祖周國
公夫人郭氏霍氏武氏墓在馬潞公有永福寺藏經
記

辛氏先塋在縣西北五里居義村

明晉恭王妾劉氏墓在縣西南偏店村劉氏以子永和

王封汾陽就養塋此 按恭王妃謝氏故永和王母
書妾

慶成莊惠王墓在縣西十二里崇原頭

慶成莊惠王唐妃墓在縣西二十里吐京村

永和昭定王墓在縣西三十里偏店村南

按察梁明翰墓在縣西五里張家莊東

大司馬霍冀墓在縣北一里王崇古撰墓表

侍御霍莘墓在縣西三里

給事中任道克墓在縣西北三里

副使張寬墓在縣西北二里

中丞王裕心墓在縣北三里

臨縣

元延安兵馬總管袁湘墓在太平鄉白汶里姚燧撰神道碑子按察使袁克忠採木司袁克良墓胥在穆村

峪

淮陽王張弘範墓在松峪村

尚書紀秀墓在縣北萬安坪

吉狀元墓在吉家莊

石樓縣

五代薛鐵山墓在縣東南二十里麻鄉村碑文剝落

宋康州團練使呼延贊墓在縣南九十里忠孝村

元韓子忠墓在縣西北四十里

鄭允中墓在縣南原五里

永寧州

元魏孝文帝陵相傳在州北東七十里拓拔嶺

隋離石郡太守楊子崇墓大業末離石郡守義兵起遇害司法李德紹請贈官葬於離石

唐右臺侍御史宋務光墓在州南五十里有羊虎碑文剝落

石嶺軍使昌化郡王鄔承玘墓在州東七十里煖泉

漚山土人名吳道溝鄔王墓舊志作鄔成

吳武烈墓在州東北三十里石村古碑存

宋陳搏墓相傳在州北三陽山半塋後華陰人來取其骸骨啓視之頭大如斗骨赤如丹異香經日不散負至城西南原不能動復塋於鳳山

寇宰相墓在城東北八十里康家嶺古墳一座相傳寇準塋此按陝西西安府渭南縣有寇萊公墓

工部侍郎滕茂實墓在州東七里有自撰碑今不存茂實遷代州聞欽宗將至卽自爲哀詞且自篆宋工部侍郎滕茂實九字取奉使黃襦裹之後卒雲中

元好問中州集曰士大夫哀其忠爲之起墳於雁門
歲時致祭而舊志書在永寧今仍之

王女墓在城西南十里土人名王女滙塚高丈餘

石嶺關都部署郭進墓在城北一百四十里方山城
內田欽祚以暴卒聞贈安國軍節度使中使護葬

金吳永墓在州東北三十里中和原其子希尹撰碑存
焉

明都憲車霆墓在城北三陽山之西諭祭碑存

兵部侍郎張襄敏珩墓在城西十五里于家店西山麓有諭祭碑

侍郎張玘墓在城西

國朝總督兩江太子太保諡清端于成龍墓在城北八十五里橫泉鎮左有

諭墓碑

江南巡撫于準墓

寧鄉縣

明戶部尚書王文賢墓勅修

大同府

大同縣

上古三皇墓相傳在府城南十五里王家莊

祁皇墓相傳在府城東三十里塚頭峻絕如山

魏定陵公和跋塚在猗山魏道武幸猗山收跋刑之後
太武幸猗山校獵忽暴露四塞怪問之羣下僉言跋
世居此祠塚猶存或者能致斯變乃遣建興公古弼

祭以二牲霧卽除後太武蒐狩之日每先遣祭之

王叡墓在城東沒賜溫明秘器宕昌公王遇監護喪事贈衛大將軍太宰并州牧諡曰宣王內侍長董醜奴營墳墓將塋孝文登城樓以望之京都文士爲作哀詩及誄者百餘人乃立叡祀於都南二十里大道右起廟以時祭薦并立碑銘置守祀五家又詔褒揚叡圖其捍猛虎狀於諸殿令高允爲之讚叡父橋贈武威王諡曰定追冊叡母賈氏爲妃立碑於墓石左

父子並塋城東相去里餘遷洛後更徙塋太原晉陽
故地

永固陵在方山鎮有雙陵水經注曰方巔上有文明
太皇太后陵陵之東有高祖陵二陵之南有永固堂
堂之四周隅雉列榭階欄檻及扉戶梁壁椽瓦悉文
石也檐前四柱采洛陽之八風谷黑石爲雕鏤隱起
以金銀間雲雉有若錦焉堂之内外四側結兩石扶
帳青石屏風以文石爲緣並隱起忠孝之容題刻貞

順之名廟前鐫石爲碑獸碑石在塚左右列栢四周
迷禽暗日院外西側有思遠靈圖圖之西有齋堂南
門表二石闕闕下斬山累結御路下望靈泉宮池皎
若圓鏡矣

舊志永固訛宋
國載臨汾誤

萬年堂在永固陵東北里餘初高祖豫營壽宮有終
焉瞻望之志及遷洛陽乃自表瀍西爲山園之所而
方山靈宮至今猶存號曰萬年堂

永固石室太和元年四月行幸方山建石室於山上

立碑於石室之庭又銘文明后終制於石室

唐段文昌墓在府城東八里唐人碑已剝落

金尚書沈璋墓在府城東一百二十里沈家莊子彥祥

孫思忠胥有碑

耿光祿墓在府城西二十里皇統四年墓上建塔父

曰光祿子曰銀青孫曰昭勇

元叅政杜唐卿墓在府城堂南寺前

學士許子遜墓在府城東關無榆坡上

托克托丞相墓在府城東百里友宰村有碑記 元史
托克托自雲南大理騰衝移置阿恰齊地哈瑪爾鳩之
中書遣尚舍卿七十六至其地易棺衣以殮按騰衝
阿恰齊在雲南徼外碑記未詳

明代簡王墓在府城東十里採掠山

悼戾王墓在採掠山

隱王墓在府城東十里採掠之原

惠王墓在府城東馬鋪山

思王墓在馬鋪山

懿王墓 昭王墓 恭王墓 定王墓 胥在採掠山

布政郭紀墓在府城南十里

御史李翰臣墓在府城西北三里

翰林劉文墓在府城南

進士王用中墓在府城西北十里

布政張爾基墓在府城西南七里

知縣李承弼墓在府城東北八里

苑馬卿覃應元墓在府城南二十五里

知縣李亨墓在府城西北三里

都御史溫景葵墓在府城東二十里

刑部郎中李一諤墓在府城南十里

侍郎王從義墓在府城西北陳家莊

戶部主事焦承光墓在府城西

都督林椿墓在府城東南

都督焦澤墓在府城西南

贈大理卿何忠愍廷魁墓

都督孫國臣墓在府城南

都督李熙墓在府城東

懷仁縣

金張河清誥墓在縣東八里下寨村石碑存

元平章曹立墓在縣西北四老溝碑存

薛御史墓在縣西南二十五里薛家莊石羊碑並存

山陰縣

五代唐昭義軍留後康君立墓在城東十五里

遼節度沙彥珣墓在城南三十里沙家寺

元副使安明本墓在縣東六里

明知府米瓘墓在縣東關外

巡撫成文墓在縣北四十里

巡撫郭登庸墓在縣南沙家寺村北

御史郭民敬墓在縣東北

僉事郭石墓在縣南三里

贈大學士王憲武墓在周家莊大學士王錫爵誌銘
太保王家屏墓在縣西北河陽堡大學士沈鯉沈一
貫誌銘

應州

唐朱邪府君墓在馬神祠下 朱彝尊朱邪府君石蓋
記丁未之秋自代州復至大同將次應州避雨馬神
祠下前有施石臺刻石列八卦於旁又書二十八宿
字心異焉俾從者覆而觀之上有篆文曰唐故汾州

刺史朱邪府君墓誌銘考後唐家人傳無官汾州者
惟明宗之父電嘗贈汾州刺史見冊府元龜又塋於
應州其爲電墓銘無疑史稱明宗無姓氏太祖養以
爲子不知其父冒姓朱邪者久矣後明宗卽位諡其
考曰孝成廟號德祖當其時祠官之守春秋之祭山
陵之封土必崇孰意爲人所發千載之下并石函亡
之而僅存其蓋也乃言於按察副使曹公徙之於州
學而爲文記之

五代太師周密墓在城東城下莊五代周太師明隆慶間塌出按五代史無周密惟馬邑周德威嘗贈太師或緣此誤書抑或其祖耶

金丞相高汝勵墓在城南接馬峪前石獸存

元元帥韓浩墓在城南茹越口前

左丞李彥古墓在城東北翁仲碑碣胥存

明鎮國將軍朱唐鑑墓在城東安邊鎮北

尚書石琚墓在城東南劉義村前大學士李賢誌

編修侯復墓在城南有碑存

知府王魏墓在城南

都給事中冠謙墓在城南下社村

御史陸厚墓在城北邊耀山前

義士田盛墓在城南關前贈左監丞尚書石玠誌銘
知州田澤墓在城南關前有循吏傳碑

太僕丞杜榮墓在城西

主事霍希夔墓在城東龍首山陽

通政使田蕙墓在城東聖水堂

總兵劉伏戎墓在城東

國朝總兵張友鳳墓在城西

左光圖墓光圖歿貧不克殮魏敏果象樞買地塋之

渾源州

金狀元劉撝墓在州北二十里

右丞蘓保衡墓在州西北七里岡下

應奉翰林文字劉從益墓在城東二十里

翰林修撰雷淵墓在城西北十七里

元集賢學士雷膺墓在城西北十五里

都元帥高定墓在城西南二十里

監察御史孫公亮墓在城西北二十二里

明布政李彝墓在城東北二里

布政孫逢吉墓在城東北二里

評事翟廷楠墓在城南二十里長村嶺之陽

靈丘縣

趙武靈王偃墓在縣西二里縣以此名

明御史李孟旭墓在縣東北五里

侍御張俊墓在縣東北五里

知縣李茂森墓在縣東北三里

國朝陝西延綏巡撫周召南父墓在縣東南召栢村

廣靈縣

金諸王墓在縣東北五里大塚累累土人傳金諸王之陵

信武將軍康筠墓在縣西北土嶺村

元侍郎龐清墓在縣東北西馬莊村有翁仲石獸

元帥張守中墓在縣西二里有翁仲石獸

同知齊震墓在縣西三里壺流河南濱

知州聶仁墓在縣東南加斗村有碑

明侍郎齊韶墓在縣西北井子窰村南有碑

贈光祿寺丞李景墓在邑厲壇南有碑

通判白塗墓在縣東北八里有碑

指揮僉事馬芳墓在縣東北中焦山村有塔

廣昌縣

宋六郎墳在縣南范家臺 按宋氏楊延昭在邊防二十餘年遼人憚之目爲楊六郎則墳題六郎未爲不典然宋史又云遣中使護櫬以歸河朔之人多望柩而泣則延昭塋地恐不在黃河以北也

元劉皇后墓在縣北劉家莊 按元諸后乃瑪扎克氏一奇味氏一其餘胥鴻吉哩氏史不載劉氏惟高麗奇

氏稱第三后其實乃妃也劉家莊墓倘亦類此耶

國朝贈僉事徐喆墓

陽高縣

明副將倉義墓在開山口

將軍曹安明墓在縣十里餘西山之麓天順間勅修

總兵倉自盈墓在沙河北

總兵李東暘墓在縣西山

總兵張巍墓在縣南十五里

總兵張萬邦墓在開山口

通判李毓秀墓在縣西榆林村

知縣林桂墓在城南青中村

知縣李正茂墓在官人屯

天鎮縣

明同知周祉墓在福祿東山

國朝總兵穆生暉墓

朔平府

右玉縣

周燕丹墓相傳在榆林城

漢明妃塚在古豐州西六十里塞草皆黃惟此獨青因名青塚

北魏昭成帝金陵太祖元年營梓宮木梯盡生成林

太祖金陵在盛樂

太宗金陵在雲中

世祖金陵在雲中

高宗金陵在雲中

顯祖金陵在雲中

孝文陵相傳在城南三十里大南山山似華蓋上有古碑字多磨滅可辨者惟三寶顯明斷年四月十日上爲孝文皇帝文明諸字餘不可句山半有顯明寺明嘉靖間復立碑刻漢孝文曾駐兵於此因墓於山遂建寺名曰顯明按孝文當指魏高祖文明當指馮太后於漢無與駐兵尤屬齊東語

平文皇后王氏陵祔墓雲中金陵

獻明皇后賀氏陵祔墓盛樂金陵

太祖母

明元昭哀皇后姚氏陵祔墓雲中金陵

姚興女

明元昭哀皇后劉氏陵祔墓雲中金陵

明元密皇后杜氏陵祔墓雲中金陵

世祖母

太武皇后赫連氏陵祔墓雲中金陵

太武敬哀皇后賀氏陵祔墓雲中金陵

代人恭宗母

景穆恭皇后郁久閭氏陵祔墓雲中金陵

河東王毗妹高宗母

文成元皇后李氏陵祔葬金陵

獻文思皇后李氏陵祔葬金陵

孝文貞皇后林氏陵祔葬金陵

任城王雲墓陪葬雲中金陵

上黨靖王長孫觀墓陪葬雲中金陵

城陽公奚烏侯普墓回子斤弟子也陪葬金陵

江夏公呂墓陪葬金陵

彭城公元勅墓陪葬金陵子彭城王粟祔

長樂王處文墓陪塋金陵

丹陽襄王叔孫建墓賜塋金陵

安城孝元王叔孫俊墓建子賜溫明秘器載以輜輶
車衛士導從陪塋金陵後有大功及寵幸貴臣薨賻
送終禮皆依俊故事無得踰之者初俊年二十八卒
太宗命其妻桓氏曰夫生既共榮沒宜同穴能夠塋
者可任意桓氏乃縊而死遂合塋焉

正定公王建墓陪塋金陵

宣城忠貞公車路頭墓陪葬金陵喪禮一依安城王叔孫俊故事

瑯琊貞王司馬楚之墓陪葬金陵

隴西宣王源賀墓陪葬金陵賜輜輶車及命服溫明秘器

平原簡王陸麗墓陪葬金陵

帶方靖公羅斤墓羅侯城結子也陪葬金陵

趙郡康王羅拔墓結曾孫陪葬金陵

隴西獻王姚黃眉墓秦王興子太宗昭哀皇后弟陪
塋金陵

瑯琊武公長孫肥墓陪塋金陵

平陽威王長孫翰墓肥子陪塋金陵

吳郡恭王長孫陳墓翰弟陪塋金陵

平陽公長孫成墓翰子陪塋金陵

唐將軍墓在縣西二里

府志將軍傳爲唐
時人姓名莫考

明將軍馬英墓在縣西二里

都御史孫祥墓在縣南酸茨河村

太僕麻漳墓在縣北二里

征西將軍李瑾墓在縣東一里

將軍李明墓在瑾墓東一里

右都督麻貴墓在縣南

提督緱謙墓在縣南五十里

王欽墓在縣東二里

九江同知郭之麟墓在威遠柳溝山

國朝都督麻振揚墓在縣東北二里

叅議范鳴珂墓在威遠堡西二里

太守徐應麟墓在威遠堡東北四里

達州知州郭傳芳墓在柳溝山李因篤誌銘

朔州

魏司空庾岳墓在代西善無界後太武征赫連氏經其墓宅愴然改容下詔爲立廟令一州之人四時致祭元姬墓在州北三十里道武侍姬姓李善謳卒塋於

此因以名山

唐豐王墓在州西北黑梁山 按唐明皇子豐王澄開元二十一年封改名珙昭宗子豐王祁天祐元年封其墓於朔州舊志不詳

尉遲恭墓在州西九十里無忌村石獸存宋開寶三年詔守塚三戶禁樵採 按開寶三年朔州尚未隸宋豈雍熙之譌耶

宋楊太師墓在州西五里 宋無楊太師或以業贈太

尉而謫傳耶

元鄆河古墓不知世代土人掘黃鼠見穴內有軌崇堂
深數十丈不敢深入亦無誌石可考

節婦劉氏墓在古城北賈賢妻

明吳孝子墓在州東八里有碑誌本姓雷名順

國朝知府解元才墓在州東南二里

總兵劉詔墓在州北百里

馬邑縣

元閻丞相墓在吳莊西北石羊尚存

明布政田彭墓在河南沙嶺灣

知府焦昇墓在太平窩子村

通政霍鏌墓在城東十里督師孫傳庭誌銘

兵備張名世墓在城西

國朝中書霍之琯墓在城東十里

勅建侍郎田喜霽墓在司馬泊村

左雲縣

明提督張軌墓在城北十里

都督范瑾墓在城西北十里

總兵錢中選墓在城東三十里

副使葛紀墓在城南十里

都督張鵬墓在城西五里

總兵畢應武墓在城北五里

榮祿李世龍墓在城西北十里

總兵陳霞墓在城西十里

知府裴紹宗墓在城西南五里

平魯縣

明李忠愍公梅墓在城東八里

征西將軍劉漢墓在城東南十里

光祿計輔墓在城西北三十里

提督馮舉墓在城西三十里

國朝總兵牛射斗墓在城南三里

寧武府

寧武縣

漢班氏祖瑩班伯爲定襄太守歲餘徵伯上書願過故
郡上祖父家有詔太守都尉以下會因召宗族各以
親踈加恩施散數百金北州以爲榮

國朝楊總督祖瑩在東門外演武廳左

偏關縣

明總督萬世德墓在城外勅修

澤州府

鳳臺縣

周蘭相如墓在莒山南

晉平西將軍周處墓相傳在周村西 當以常州荆溪縣爲正然處力戰沒嘗賜墓地一頃則高都或賜地也

唐劉友信墓在城西二里爲唐將

宋崇文院檢討劉羲叟墓羲叟精筭術未病嘗曰吾及秋必死自擇地於父冢旁占庚穴以語其妻如其言

墓之

金狀元李俊民墓在崔家莊北

威州刺史武僊墓在天井關

章宗元妃李氏墓在庾能村南李氏名師兒卽宮教
張建隔紗指字所謂聲音清亮者也明昌四年封昭
容明年進淑妃後又進元妃父湘追贈隴西郡公祖
曾祖胥追贈而墓在澤州可備博考

元段直墓在城西二十六里澤州長官劉國撰碑

明宣寧簡莊王墓和僖王墓恭安王墓康靖王墓昭榮王墓溫簡王墓胥在城東大嶺村

隰川懿安王墓恭僖王墓莊隱王墓康肅王墓莊惠王墓胥在城東北原

侍郎楊砥墓在城南

尚書侯璉墓在城西勅修王直撰碑

侍郎孟春墓在金剛嶺勅修

行人孟陽墓在大陽鎮勅建

侍郎張養蒙墓在大陽鎮勅建

尚書裴宇墓在大陽鎮勅建

國朝大學士諡文正陳廷敬墓在樊山嶺紫芸阡李光

地誌銘

巡撫苗胙土墓

光祿大夫王璇墓在城東豐安村

鹽道王廷掄墓在城南白雲阡

知縣孔文明墓在江家莊

工科給事張京墓在謝匠村

高平縣

上古炎帝陵相傳在縣北四十里換馬鎮帝嘗五穀於此後人思之乃作陵陵後有廟春秋供祀縣志帝陵在湖廣衡州府酃縣康樂鄉此特其虛塚云

唐二賢墓在縣北十五里長壽村二賢文林郎李恪暨姪將仕郎李亮墓爲居民杜氏宅明弘治中剽地得墳穴銘石知縣楊子器奪杜氏地復作墳嘉靖三十

九年知縣張鹵復新之勒石爲記

上騎都尉李典墓在武鄉村即今唐安岸潰石銘出
存里中集鴻砬

宋郎中張維則墓在野川西澤州僉判李之才撰碑

大中大夫張宗古墓在通義南秘書正字秦垣撰神
道碑

金李文簡公晏墓在城南許安仁撰神道碑

李襄獻公仲畧墓在文簡公墓側

翰林學士知制誥趙可墓在魏牀東

節度使張師穎墓在玉井西刺史侯大中撰墓表

濮州刺史張國綱墓在南陳里

狀元陳載墓在馬村西明萬厯裔孫陳陞立碑

元廉訪使宋翼墓在高良西學士歐陽玄誌

明孝子王敬墓在金峰山東學士曾鶴齡誌

侍郎郭鑒墓在長壽里勅建侍郎李璣撰誌

左侍郎食尚書俸郭鑒墓在長壽里勅建

知府劉崇文墓在龐村西

詹事劉虞夔墓在崇文墓側勅建學士王家屏誌

太常寺卿郭東墓在建寧里勅建禮部侍郎李廷機誌

僉事忠烈楊暄墓在城西北編修李士淳誌

國朝大理寺卿王邦柱墓在唐安東

侍郎加尚書服俸李藻墓在龍從山之麓

布政畢振姬墓在得義村

戶部侍郎李棠馥墓在城北里

巡撫田逢吉墓在通儀里宰家壇

刑部侍郎李蔭墓在龍從山西麓

陽城縣

金鄭臯墓在城東南二里臯金節度鄭鼎父

元潞國公鄭忠肅鼎墓在縣東三十里屯城村學士王

磐撰碑

澤國公鄭忠宣制宜墓在縣南二里學士王措撰碑

明兵部尚書原襄敏傑墓在縣南三十里下交村學士

商輅撰碑

巡撫雲南左僉都御史楊貞肅繼宗墓在縣南十五里匠禮村華容黎淳撰碑

叅政田鐸墓在縣西北五里

叅政王玪墓在縣西南岡上孟春誌銘

布政李豸墓在縣東二十五里白巷村

吏部尚書王國光墓在縣東三十里上佛村

叅政張陞墓在縣東三十里屯城村

叅議栗魁周墓在縣東南三里

副使楊植墓在縣東二十五里白菴村

兵部尚書衛一鳳墓在城北岡上劉同升撰碑

太子太保白所知墓在縣南三里平頭村楊時化撰

碑

按察司田立家墓在縣東南二里

按察使賈之鳳墓在縣東北十里高泉村

副使李養蒙墓在縣東二十五里白巷村

僉事張志芳墓在縣東北十里煙裏村

御史楊新期墓在縣南二十里土孟村

吏部尚書張慎言墓在縣東三十里屯城村

御史張鵬雲墓在縣東三十里郭谷村

叅政王徵俊墓在縣東白巷村

國朝刑部尚書白孕謙墓在水磨頭村北

給事楊時化墓在縣東三十里下佛村

僉事段上采墓在縣東一里

御史陳昌言墓在縣東郭谷村

副都御史石鳳臺墓在縣東一里

左副都御史田六善墓在窰子頭

御史張念祖墓在縣東下佛村

陝西巡撫張璠墓在潤城東莊北陰村陳廷敬誌銘

浙江巡撫張泰交墓在墳頭灘新阡陳廷敬誌銘

贈光祿大夫田雨時墓在縣北山頭新阡仇兆鰲誌

銘陳廷敬記

太子太師文華殿大學士謚文端田從典墓在縣北

山頭新阡

陵川縣

唐宋侍郎墓在縣西南三十里

志失名

金趙義士墓在縣東二里仕林莊

劉景元墓在縣東南二里楸樹窰元好問有誌

梓州轉運司宋貺墓在縣南二十里義門村有碑記

石羊虎

郝晉卿墓在縣北三里楊大坂有墓碣門人河東元
好問撰

狀元趙安時墓在縣東仕林莊安時正隆狀元官至
中順大夫南京路兵馬都總管上騎都尉天水縣開
國子食邑五百戶賜紫金魚袋

少傅墓在縣南五里

志失名

元李朝列墓在縣東南二里楸樹窠有石翁仲羊虎

牛侍郎墓在縣西北三十里池下村

尚書蘓萬初墓在東宗莊東閣外有神道碑

李尚書墓在楸樹窠有神道碑

路尚書墓在附城鎮

李昭容墓在楸樹窠元貞元年選有宮中昭容閣

明御史張凝墓在少傳川

烈女武繼姑墓在城外十五里莊兒頭

戶部員外贈太常少卿申良墓在翠微山李士允誌

銘

太僕卿張瓚墓在縣北八里魏家莊

主事李鍾墓在縣東五里

國朝

勅建知縣贈僉事曹邦偉墓在池下鎮

沁水縣

宋竇將軍二墓一在竇莊村一在臥牛山宋哲宗時戚
畹封在屯衛大將軍在竇莊者其父在臥牛山者其

子碑記存

金大將軍張堃墓在城西南里許

明戶部尚書李瀚墓在富店村東嘉靖中諭墓田八十一畝大學士張璧撰墓表

太子少保劉莊靖東星墓在坪上村北萬厯中諭墓墓田八十一畝

太子少保張五典墓在馬家坪天啓中諭墓

御史贈兵部尚書張忠烈銓墓在殷莊西天啓中諭

墓田八十一畝

國朝贈副總兵給祭葬英烈將軍竇明運墓

保安知縣竇斯在墓

蒲州府

永濟縣

古風后墓在縣南六十里風陵渡黃帝臣相傳解州人

今解州東南十里有廟

舊志並載解州

按風陵渡戴延之西

征記謂之風埽水經注謂之風陵蒲州舊志風陵在

州南風陵鄉以風后塚名而舊唐書曰天寶十一載
六月閩鄉縣黃河中女媧墓因大雨晦冥失所在乾
元元年六月瀕河人聞有風雷曉見其墓湧出上有
巨石石上有雙柳樹號風陵堆路史釋之曰女媧亦
風姓太平寰宇記曰河東縣風陵是女媧之墓秦漢
以後俱係祀典是風陵以媧皇名也但明時祀媧皇
在今趙城而解州鹽海之說相傳已久故永濟風陵
姑仍舊志

虞娥皇女英陵相傳在縣南一十五里倉陵谷

殷伯夷叔齊墓在縣南五十里首陽山二塚對峙古栢
森茂東負崇山西面大河前爲祠堂設像以祀今名
二賢祠有唐梁昇宋黃庭堅碑暨宋司馬光元楊奐
詩

漢桓榮墓相傳在首陽山

唐衛公李靖墓相傳在縣南東寨上

裴府君墓在首陽山之陽穆員撰墓誌曰嗚呼有唐

君子河東府君之墓

宋將軍李興墓在縣北陶邑鄉仙觀里紫金山北王安
石撰碑記

金田先生世英墓在陶邑鄉北文學村先塋之次以華
氏祔大德己亥蘄州路總管趙資公誌

元帥金大亨墓在縣南一百二十里上方村王沂撰
碑記

孝子龐整墓在縣南六十里風陵鄉小李村有勅賜

孝行碑記

進士虞卿尹墓有趙資公碑記

元封河東郡公何汝麗墓歐陽玄撰神道碑

中丞何約墓在縣東北二十里文學村之青臺歐陽
鉉撰碑

叅政裴居敬墓在縣東北十五里祭酒蕭軒撰碑記
曰至大元年塋河東陶邑鄉文學村兆次

翰林智禮華墓在縣青渠原東下村

明山陰康惠王瑩在縣東北二十里文學村

襄垣恭簡王瑩在縣東十里孟盟橋北

尚書楊守禮墓在縣南勅建瞿景淳誌銘

吏部尚書太傅楊襄毅博墓在縣南玉莊里大學士

許國誌銘

兵部尚書太保王襄毅崇古墓在縣東峨嵋原有大

學士申時行碑記

首輔太師張文毅四維墓在縣南風陵鄉大學士申

時行撰碑

戶部尚書楊俊民墓在縣南陳村勅修大學士王家屏誌銘

錦衣衛正千戶楊俊卿墓在縣南侯家莊勅修侍郎張廣墓在縣東盤底村勅修

禮部尚書孟時芳墓在縣南陳村勅修

總督三邊王之采墓在縣南三家店勅修

首輔少師韓爌墓在縣東盤底村

叅政王槐秀墓在譚家村

國朝贈太子少保杜時萼墓在城南祁家莊

布政田厥茂墓在萬山下

戶部侍郎太子太保杜篤祐墓

副使韓鎬墓在石家山戴璠誌銘

臨晉縣

漢霍榮祖墓在縣東北二十五里殘碑曰名揚大將軍

光之七世孫

司農鄭玄墓相傳在縣北三十里至今荆棘不生狐狸不穴

臨晉令孔僖墓僖卒官遺令卽塋臨晉二子長彥季彥並十餘歲蒲坂令許君然勸令返塋對曰今載柩而歸則違父令舍墓而去心所不忍遂留華陰

晉司空張平子墓在縣北二十里 按晉無司空張平子當以壯武裔孫居河東故譌傳耶

司空王卓墓在縣東南二十里城西村唐十八代孫

王顏樹神道碑曰年七十九薨於河東不遂歸葬太原晉陽塋河東猗氏縣焉隋併猗氏爲桑泉縣今司空塚墓在縣東南解古城西二里又曰卓翁塚墓古有碑廟文載邑志而晉紀乘不載司空王卓

隋河北道大總管王暕子墓王顏卓翁碑曰墓今有碑
曇延墓在縣北二十里暕子村西司空之後見卓翁
碑

尚書薛道實墓在縣北四十里平宜村碑字可考舊

志名天輔誤

黃門侍郎陳茂墓在縣東北二十里小巖山前石羊
虎存

唐太守樊演墓在縣西十里齊王村南舊志作漢人誤
司空裴寂墓在縣西北五里有巨碑虞世南文歐陽
詢書因摹榻取滋衆土人瘞之開寶三年詔守冢兩
戶禁樵採

長府薛寶積墓在平宜村北道實之孫其先蜀人通

志不載

金狀元節度張繼祖墓在縣南三十里城子埭村西
規措使陳仲謙墓在原嶷山元好問撰墓誌

陳氏十墓在縣東北三十里大嶷山前謂陳揮陳灝
陳克基陳仲謙陳賡陳庾陳廩陳膺陳元凱陳敬立
祖孫父子兄弟十人

申孝子墓在縣北三十里丁莊村號忠孝將軍

元大將軍謝公墓在縣北二十五里有碑記

明御史郭祥墓在縣東五里

知縣衛鈞墓在縣南五里

僉事王光宇墓在縣西三里

河南巡撫荊州土墓在縣南二里唐文獻誌銘

知縣陳榮祖墓在縣西五里

兵部右侍郎李棲鳳墓在縣西十里

副使姚昌籙墓在縣北二里

戶科都給事荆祚永墓在縣南十五里

國朝御史荆養喬墓在縣西三里胡家莊西

兵部主事荆爾植墓在縣東二十里水頭村

督學僉事呂雲藻墓在樊橋鎮北

編修謝陳常墓在縣西孫岳頒墓表

推官王恭先墓在坡上北里村

戶部主事韓啓泰墓在開張村

虞鄉縣

周扁鵲墓相傳在縣東十一里洗馬村北

隋洛州刺史襄武趙昭公墓在五老原西北三十一里
御正大夫胡原子裴肅撰碑

唐許州刺史王得墓在縣東十五里石衛村碑多剝蝕
董太傅墓在縣東十六里董村

侍郎司空圖墓在縣東十里王官谷下圖預爲冢棺
遇勝日引客坐壙中賦詩酌酒徘徊客或難之圖曰
君何不廣即生死一致吾寧暫遊此中哉

監察御史趙君煦墓在五老原西北三十一里

號王府法曹叅軍趙徵墓在五老原北三十四里

君照

子

贈號州刺史太常卿同知河西縣丞趙獻冲墓在縣西方山鄉五老原尚書兵部郎中安陽邵說撰碑左衛率府兵曹叅軍集賢殿待詔琅玕王瑀書并篆額

子徵

中書舍人贈太子少傅趙良器墓在五老原西北中

正原吏部郎楊琯撰碑

獻冲子

子御史中丞河西行軍

司馬密施州刺史邕禮部員外郎薰工部侍郎縱侍
御史哀耐

陝華廬豐撫越廣等州刺史御史中丞嶺南浙東兩
道節度使太子賓客襄武縣開國男贈揚州大都督
趙良弼墓在五老原西北元俊岡刑部尚書平原顏

魯公撰碑

獻冲子

子永陝淮耐

太子右庶子兼御史中丞天水郡開國公贈吏部侍
郎左散騎常侍趙復墓在五老原西北鳳凰原兵部

侍郎賈至撰碑

良器子

柳州刺史禮部員外郎柳宗元墓在縣南二十里碑
存縣志不載通志並見夏縣 按韓愈撰墓誌云歸
塋萬年先人側則二縣所志胥傳疑

五代吳孫惲墓在五老山下

吳孫謙墓在五老山下

宋端州刺史兼御史大夫騎都尉樂安郡開國侯孫繼
鄴墓在縣西十里南郭村河東劉致撰碑

孝子孫光溥墓在臨晉縣南七十里世傳與妻懿娘
楊氏同塚楊氏業之後

金麻主事秉彝墓在縣東七里東吳閭村翰林修撰知
制誥王庭筠撰碑孫貽溪先生革祔

元銀青光祿大夫檢校太子賓客兼御史大夫梓夔兩
路兵馬鈴轄兼提舉梓夔兩路諸州等巡檢兵甲公
事騎都尉孫宗旦墓在五老山下見河東劉致碑文
舉殿試孫公傳墓在中條山下南郭里見河東劉致

碑文

孫真人墓在縣西南十里南郭村名大方號履道宋
刺史繼鄴之十世孫勅號泰定虛白文逸真人

樊孝子墓在縣東十六里董村有碑

猗氏縣

周八士墓相傳在縣北南景村明隆慶初崖裂石出裁
辨八士字邑人何東序有詩

百里奚墓相傳在縣西百里店西北隅

猗頓墓在縣南王寮村

漢右丞相陳平墓相傳在縣西北十五里

丞相翟方進墓唐長孫儻漢故丞相翟公重建碑表
昔猗氏城西五里曰漢故丞相高陵侯翟公諱方進
字子威之墓

太傅鄧禹墓相傳在縣東上李村

晉河東太守王七墓在西關外演武場西有二塚其西
一大塚是也

唐西平王馬燧墓相傳在城北門祠左

衛敬侯墓聞人牟準衛敬侯碑陰文敬侯所塋之先
域城惟解梁地卽剗首

靳將軍墓在縣內大清觀西北

張嘉貞張延賞張弘靖三相墓在城外西北隅

羅誠墓在縣北羅村

崔公弼墓在縣西北李寺村

金國子監丞陳克基墓在縣西北陳翟村

懷遠大將軍總判河中府事南仲墓在縣西南香落寺

元潁川侯陳宣靖公元凱墓在陳翟村

王廷祥墓在南田村

明副都御史何東序墓在縣西十里陳苑屯東勅建

甘肅巡撫荊州俊墓在縣東五里黃闢景村南勅建

國朝巡撫衛旣齊墓

督學邵嗣堯墓

御史張慎學墓呂崇烈撰墓表

萬泉縣

上古錢鏐墓相傳在文村有碑剝落

漢太尉皇甫嵩墓相傳在皇甫村

孝子董永墓相傳在上孝村有碑剝落

唐河中絳隰節度使薛平墓在縣北薛村有碑記

薛尚書墓在烏蘓村碑文剝落其可辨者曰大唐故

尚書汾陽縣君薛公墓

宋御史裴瑾墓在縣北二里碑文剝落額云命官故右
補闕裴公神道

明右副都御史袁泰墓在烏蘆村有洪武間諭祭文

叅議姚禮墓在孫莊村

叅政婁進墓在張甕村南

員外張顯墓在文村

孝子李軌墓在大趙村

贈大興知縣黃連墓在黃家村

節婦廉氏墓在烏蘓村

孝子杜麟墓在七莊村

巡撫賈仁元墓在張戶村有諭祭碑

布政使董汝漢墓在小淮村

陝西隴右兵巡道范學顏墓在城外西北隅

榮河縣

商湯王陵在縣北四十里百祥村西後魏天賜中圯其
明器悉爲河東張恩殮之於河縣志又書元癸未歲

淪於汾河以石柩遷塋焉明初遷陵寢於陵東正德
元年太常少卿喬宇疏商湯王陵在滎河縣北四十
里舊傳陵已爲河水所齧壞不存歷代皆於岸東近
地設位而祭但屋宇卑狹地勢淺陋議得廟後有隙
地三四畝可以建置殿堂三間兩廡牲房數楹後遂
致祭於祠 通考成湯塋汾陰 皇覽殷冢在方陰
亳縣北東郭吉州三里冢四方各十步高七尺上平
處平地 路史嘗怪劉子政說湯無塋處而崔駰薛

瓚俱云濟陰亳縣今有湯冢皇覽云在亳城北郭東
三里高七尺韓嬰所謂帝乙墓者何謂無耶按伏韜
北征記博望城內有湯伊尹及箕子冢今悉成邱而
杜征南亦云梁國蒙縣北薄伐城中有湯冢其西有
伊尹箕子冢今城內有故冢方城宜其爲是而記乃
稱王子喬墓亳之湯冢已氏之伊尹冢顏籀亦固疑
之爰求徵地則又別有湯冢漢建平元年大司空史
御長卿按錄水災行湯冢者於漢隸扶風地有湯池

徵陌何謂無耶然湯之都亳與葛比似亦不在茲土
及考秦寧公本紀二年伐湯三年與亳戰亳王奔戎
遂滅湯則知周穆桓之時別自有湯亦號亳王爲秦
所滅乃西方之君墓於徵者而非成湯之墓繼觀聖
賢成冢記則湯之冢後魏天賜中已圯矣銘言二千
年困於恩其明器悉爲河東張恩殮之於河以是知
成湯之窆久已蕪沒至是已不復存子政之言爲不
苟矣 隋制祀商湯於汾陰伊尹配唐遷祀偃師

通典寶鼎有后土祠湯廟 自少昊至殷湯十冢宋
太祖乾德四年詔各給守陵五戶蠲其他役仍令長
吏春秋奉祀

阿衡伊尹墓 右相仲虺墓相傳胥在湯王祠前因
塑二像於祠以配享

周秦相張儀墓在縣東四十里

漢丞相諸葛亮墓相傳在縣南三十里天興村

當以漢中定軍

山爲
正

魏汾陰皇甫遐母墓遐母卒負土爲墳於墓南作一碑
窟陰雨則穿窟晴霽則營墓曉夕勤力積以歲年墳
高數丈周五十餘步碑窟重臺兩匝總成十有二室
中間行道可容百人

宋殿中丞薛儀墓在趙行村司馬光撰墓誌曰熙寧五
年正月塋於本縣趙行村

元元帥吳信墓在縣東北四十里有碑字缺

元帥韓通墓在縣北十里

明都憲雷煥墓在縣北十里湯原村

通政蔡瑄墓在縣南三里

叅議周有光墓在縣北二十里



山西通志卷一百七十三